

RANNUNG THAHNA HLO, THLAI NATNA DAMDAWI, HNIM TUR LEH  
SAZU TUR HMAN CHUNGCHANGA FIMKHURNA TUR KAWNG  
HRANG HRANG TE



**Krishi Vigyan Kendra**

**Serchhip District**

**N. Vanlaiphai**

**A. Lei dawnin**

1. I mamawh tawk chiah lei ang che. Entiran- 100gm or ml, 250 gm or ml, 500 gm or ml or fun te tak te pakhat emaw a aia tam
2. A bur/bawm hnam, a funna pawp, phui tha lo chu lei suh.
3. A siam thla leh kum, a chhiat thla leh kum, a man zat, a hlauhawm dan chhinchhiahna etc., a bawm/bur pawna a inzhiah loh chuan lei suh

**B. Dah that/kawl that**

1. Chenna in chhungah chuan dah loh tur a ni.
2. Ama bur dik takah chauh phui taka dah tur a ni.
3. Bur/bawm dangah dah suh.
4. Ei tur leh ran chaw nen dahpawlh suh.
5. Naupang khawih phak lohah leh ran ei theih lohah dah rawh.
6. Nisa em theih leh ruah nan theih laiah dah suh.
7. Hnim tur leh rannungthahnahlo, thlai natna damdawi etc., hmun khatah dah ho suh

**C. Ken sawn leh thiar/ phurh kual**

1. Ei tur lam chi nen dah pawlhin kengsawn/ thiarsawn suh.
2. A tam tham pawh chhipchhuan loh tur a ni a, put loh tur a ni a, phurh loh tur a ni bawk.

**D. Kah tur, tui nena chawhpawlh laia fimkhur dan tur**

1. Tui thianghlim chauh hmang rawh
2. I hnar leh i ka tuam la, tarmit vuah la (Power neilo), i beng leh i kut pawh tihbuak suh.
3. Kutkawr bun la, hmaikawr vuah la, lukhum khum bawk rawh.
4. Kut tuam nan sarang ip phui tha hmang la, rawmawl emaw puan them fai emaw i hnar leh ka tuam nan hmang la, lu tuam nan hrukpuan pawh a hman theih.
5. A bur pawna hriattur pawimawh inziak kha tui nena i pawlh hmain chhiar thin ang che.
6. I thlai kah nana i mamawh tawk chauh siam ang che.
7. A mum chi (antam chi anga siam/granules) rannungthahnahlo reng reng chu tui nen chawhpawlh suh.
8. A bur i hawn lain intihbuak lo la, hnim suh.
9. A kahna bura i thun laiin tibaw suh.
10. Tui nena i pawlh lain engmah eilo la, inlo la, meizu lo la, kuhva ei lo la, sahdah/ tuibur hmuam suh.
11. Pheikhawk bun la, kutkawr bun bawk la (sarang ip hman mai tur ani).

**E. A kahna bur/bawm**

1. Thlai i kah nana i mamawh dik tak a kahna bur thlang ang che.
2. A bur hnam , phuilo chu hmang suh.
3. A phuhsinna hmur (nozzle) tha chauh hmang rawh.
4. A puhna hmura pin chuan ham suh. Hanawhna brush hlui leh tuiin tifa ang che.
5. Hnim tur leh rannungthahnahlo kah nan a kahna bur thuhmun hmang suh ( A hran ve ve nei rawh).

**F. Kah laiin fimkhur dan turte**

1. A hman tur zat dik tak leh tui ngai zat dik tak chawhpawlh ang che.
2. Chhun nisat vanglai leh thli na taka a tleh laiin kap suh.
3. Ruah sur hma lawk leh a sur hnu chiahah kap suh.
4. Thli thawt dan zulzuiin kap rawh.
5. Rannungthahnahlo EC formulations-a siam chu ULV (Ultra Low Volume) Sprayer, battery hmanga kah loh tur a ni. (ULV formulation bik a awm)
6. Kah zawhah a kahna bur leh bucket chu sahbawn nen fai taka sil tur a ni.
7. Baltin, bucket leh bur dang, rannungthahnahlo kah tur siam nana hman reng reng chu eitur dah nan hman loh tur a ni.
8. Kah zawhah thlai hmunah mihring leh ran luhtir loh tur a ni.

**G. A bur ruak leh hman bang thehthang dan**

1. Thlai kah nana rannungthahnahlo etc., hman bang chu lui kawng leh dilah leihbaw suh, vau leh leilet sir, thlai chin lohna laiah leih buak tur.
2. A bur ruak chu chhut chhiat a, phum bo tur.
3. Rannungthahnahlo, thlai natna damdawi, leh hnim tur bawm ruak chu thildang dah nan hman loh tur a ni.

*References: Loneitu thian IPM by C. Lalnithanga*